



La Résolution  
et  
Triomphe  
de la paix  
faite entre le  
roy et messeigneurs  
les princes

1616



7



LA  
RESOLVTION  
ET  
TRIOMPHE  
DE LA PAIX,  
FAICTE ENTRE LE  
ROY ET NOSSEIGNEVRS  
LES PRINCES.



A PARIS,  
Chez ABRAHAM SAVGRAIN, rue  
S. Iacques, au dessus de S. Benoist,

---

M. DC. XVI.

*Avec Permission.*



Case

F

39

.326

1676A

THE NEWSPAPER  
LIBRARY



LA  
RESOLUTION  
ET TRIOMPHE  
DE LA PAIX, FAICTE  
entre le Roy & Nossei-  
gneurs les Princes.



EVLE François, mes chers compatriots, mon ambition n'aspiroit à rien moins qu'à te faire entendre le subiect de ta consolation & la mienne, cognoissant combien ceux qui laissent aller quelque chose à la veüe du public sont subiects aux censures & calomnies des envieux mesdisans, & encore plus particulièrement des ignorans, lesquels pour la pluspart franchissans trop librement les bornes de leur profession, veulent d'une impudente langue, violer & prophaner les chastes intentions des bons & naturels François. Et ne se tiennent pas contens de gloser indiscrettement les paroles de ceux qui met-



tent la main à la plume, si par vne outrecuidance trop effrontee ils n'en venoient au point de paraphrafer sur leurs imaginations & interpreter sinistrement & des-honnestement leurs plus entieres affections : s'estimans par les poinçons de telles mesdisances se grauer vn renom immortel dans le blasme d'autrui. Mais ne me souciant beaucoup de telle maniere de gens, j'ayme mieux plaire aux autres, & principalement à ceux qui sont releuez du nombre des ennemis de la paix, laquelle maintenant triomphe au dessus de la guerre.

C'est vne maxime soustenuë de tous que d'un heur non attendu, les ioyes qui procedent & naissent de l'aduenement d'iceluy sont ordinairement plus grandes que n'en estoit l'esperance conceuë. Toute la France, par cy-deuant espouuentee & troublee sur l'apprehension d'une guerre ciuile n'esperoit rien moins que la iouissance heureuse de la paix : de laquelle maintenant les amoureux effects doucement nous halennent des ailles de leurs doux & agreables Zephirs : de telle sorte & maniere, qu'à present s'offre & se represente le temps auquel reuiuent les affections languissantes des sujets, les mortes resuscitent, les vieilles rajeunissent, les foibles sefortifient, & celles qui durant ces troubles ce semble, s'en alloient mourir, s'immortalisent au seruice du Roy. Point tant n'estiōs-nous estonnez que les meschans & seditieux personnages ayant suyui leur coustume ordina-



re de dire & vouloir faire mal , mais bien  
à craindre & dangereux seroit - il pour l'inté-  
rest du public, s'ils estoient creuz des gens-  
de bien , & particulièrement des Princes,  
calomnes & bouleuers assurez d'un Estat,  
lesquels scauent fort bien destourner & chasser  
les mouches de leur visage, mais non pas les  
flatteurs de leurs oreilles, semblables aux chiens  
d'Atton, qui portent & renuersent dans le  
goulphe du malheureux qui se laissent char-  
ner par le sifflement de leurs pestiferees & per-  
nicieuses langues, dissimulees truchemens de  
leur mauuaise intention. Qu'ils considerent ce-  
cy, & qu'on leur demande en conscience s'il  
n'est pas veritable que la seule passion, qui pos-  
sede leur ame, aueglant leur cognoissance &  
raison, leur interdit la iouissance du bien & usu-  
fruit de la Paix, que la reconciliation de  
nos Princes apporte presentement à la France.  
Il ne se fussent contentez d'auoir rauy les bre-  
bis du Berçail, si par les mesmes efforts de leur  
occulte malice, ils n'eussent tasché de donner  
la chasse aux chiens fidelles qui crient, abboyent,  
espient & descouurent leurs ruses & secretes  
menees. Combien sont criminels de leze-Maie-  
sté, telle maniere de gens qui dissimulans le bon  
conseil à leur Roy pour faire entrer de mauuai-  
ses impressions dans l'ame genereuse des Prin-  
ces? Un bon François n'en peut discourir qu'a-  
uec passion. Quand on les à estimez loing ils  
sont prés, & quand on les pense prés ils sont

loing, & se trouuent par tout aux espies, aux  
 escoutes, en intention de troubler, changer,  
 alterer, ruiner, destruire, corrompre, seduire,  
 peruerir, & de raciner la paix, le repos, la fi-  
 delité, l'obeyssance, le ioug, & la subiection  
 que les vrayz subiects doiuent à leur souuerain  
 Monarque. Quant à vous, tres-honorez Prin-  
 ces, vous auez iugé de leur inclination natu-  
 relle, qui ne se tourne que du costé du mal, les  
 preuues: vous en sont apparentes: voy-  
 la pourquoy n'ayans abandonné vostre crean-  
 ce à leurs persuasiues parolles, vous estes heu-  
 reusement pour nous, entrez en vn traicté de  
 paix, à la consolation de tous les suiets du Roy  
 & des vostres. La fortune qui se rit des muta-  
 tions & changemens des Empires & Estats, à  
 comme vaincue & surmontee, ceddé aux ef-  
 fects de vos magnanimes courages, & tant de  
 malheurs desquels elle menaçoit vos personnes  
 & les nostres, que vous auez sagemēt preueus,  
 ont faict perir en vous tout le desir & l'enuie  
 que vous eussiez peu auoir d'ouurir la porte à  
 vne guerre ciuile: de maniere qu'assurant vo-  
 stre constance, & vos resolutions à la paix, vous  
 auez par ce moyé destourné les flots impetueux  
 de tant de calamitez, que la guerre ordinaire-  
 ment amene quant & soy. Car à quoy seruiroit  
 de troubler le Royaume pendant le bas âge du  
 Roy: rousiours la cause est iuste & recomman-  
 dable il ny a rien de plus dangereux ny ruyneux  
 que d'attaquer vn ieune Roy: chacun le veut



deffendre & tenir son party, & tousiours ont le tort ceux qui ont quelque different à desmesler avec de semblables parties. Il ny a Monarque en toute la Chrestienté qui aduertty de ce qui s'est passé, n'ait offert a nostre ieune Roy, tout secours, ayde, force, & moyens pour le deffendre & maintenir en son droict & Estat, l'Empereur par l'entremise de son Ambassadeur luy a faict cognoistre le desir qu'il a de le secourir au besoing. Le Roy d'Espagne de mesme, autant de leur costé en ont faict, le Roy de la grande-Bretaigne, le grand Duc de Florence, la Serenissime Republique de Venise, son Altesse de Sauoye, & tous les Potentats d'Allemaigne: esperans quelque iour receuoir de luy la mesme faueur, selon l'occurrence des affaires qui pourroient arriuer en leurs Estats, pendant le bas âge de leurs hoirs & successeurs. Mais qu'eust-il esté besoin d'emander le secours estranger, en ceste affaire, la France n'a-elle pas assez de puissance, ny les bras, assez longs pour empescher & arrester les vains efforts de ceux qui la voudroient reduire encore vne fois au mal-heur d'une guerre ciuile, il ny a ville ny bourgade d'as le Royaume, qui n'ait assuré le Roy de son obeyssance, il ny a sujet en toutes les Prouinces qui ne proteste le mesme: ce n'est plus à present comme au temps passé, que les peuples mutinez suiuoient ordinairement le party d'eux le plus affectionné: tous ayment leur Roy, &

veulent viure en le seruant, & en mourir pour la defence de sa cause, ainsi que vous desirez faire, tref-honorez Seigneurs, ô qu'il vaut donc beaucoup mieux en paix viure librement & sans crainte avec peu de chose que d'estre parmi les hazards de la guerre, esclaués de la fortune, avec beaucoup de biens.

Durant la guerre le destin suit les puissans Monarques pas a pas, aussi bien que les moindres & plus petits soldats, s'embarque quant & eux, le danger monte en croupe derriere eux & la crainte ou apprehension d'une finale misere ne les laisse & ne les abandonne, ny plus ny moins que l'ombre faiet le corps. Mais durant l'amiable saison de la paix, chacun vit en liberté, liberté toutefois qu'il faut recognoistre appartenir au Prince, qui l'a tient pour ostage de la foy que luy deuons garder. Durant la guerre les riches deuiennent pauvres, durant la paix les pauvres deuiennent riches: Durant la guerre les peres enseuelissent leurs enfans, Durant la paix les enfans enseuelissent leurs peres: Durant la guerre naissent les nouueaux impôts, les nouuelles leuées de deniers, subsides, collectes & emprunts, tant pour l'entretien des armées & garnisons des villes, que pour les nouuelles fortifications des places & fortresses: mais durant la paix toutes ces choses cessent, tous Edicts ou Ordonnances, Commissions, charges, & mandemens faits à ce sujet, n'ont



n'ont plus de lieu, & n'y a que la simple & ordinaire recognoissance des subjects enuers le Roy qui a son cours comme deuât. Durant la guerre les choses grandes diminuent : & durant la paix les petites croissent & deuiennent grandes. Durant la guerre les loix sont mesprisées, & ne se peut la voix d'icelle entendre parmy le bruit & cliquetis des armes : là où durant la paix elles sont estroitement & inuiolablement obseruées. Mais ie vous prie, considerons vn peu les maux, qui n'eussent pris naissance en ceste guerre, si par la diligence de nostre Roynes, & prudence de nos Princes, il n'eust esté remedié promptement à ce mal, qui s'en alloit croissant, & n'a on peu faire ny empescher que le bruit de ceste émotion Gallicane n'ait prins sa volée iusques aux terres des barbares infidelles, mal dangereux pour toute la Chrestienté. Chacun sçait combien la valeur des François est redoublée du Turc, il sçait fort bien se preualoir des occasions que le temps & la fortune fauorablement luy presentent : voilà pourquoy sur ce nouueau bruit de la guerre ciuille parmy la nation Françoisise, il s'est voulu ayder, seruir & preualoir de la fortune qu'il pensoit de ha tenir en main, il a assemblée sur ceste asseurance, toutes ses forces pour se ietter sur la Hongrie, en intention d'en despouiller entierement l'Empereur discourant à part soy & faisant son compte que la France retenüe en ses murmurations ciuelles ne pourroit contre ceste sienne entreprise enuoyer ayde, force, secours & au

tres-inuincible Mathias, c'est l'vne des plus grandes ruses desquelles ordinairement il se sert, quand il veut assaillir vne Prouince. Voyla le premier malheur qu'eut apporté à la Chrestienté la guerre ciuille des François.

Le second, par ce tumulte ciuil on eut abandonné le Royaume en proye.

Le troisieme, la guerre ciuille donne sujet à plusieurs qui espient telles occasions de se rebeller ouuertement contre le Prince, en intention de s'agrandir, de s'aduancer aux charges & dignitez, & assouuir leur insatiable auarice par eux prescree au repos general du Royaume, comme sont plusieurs coquins gens de basse condition, se voyans supportez de quelques nobles, ce n'est parler que des choses que l'inconstance des temps nous ont faict cognoistre, durant les anciennes guerres ciuilles.

Le quatrieme pour l'entretien de telles armées ciuilles on emandique, & a on recours, tant d'un party que d'autre, aux forces, aydes & secours des voisins estrangers, qui souuentefois s'en retournants mal traictez & recompensez, prennent de là sujet & matiere de nous faire à bon escient la guerre, qui est cause que de Sylla nous tombons en Caribdis, c'est à dire que pensans auoir faict avec les nostres, sans y penser, nous vient sur les bras vne guerre à demeller avec l'estranger. Cécy soit dit sans faire enumeration des autres malheurs que produisent les guerres intestines d'un Royau-



me, comme sont les mespris des loix, l'oppression des Magistrats, la destruction des Citez, le bouleuersement des chasteaux, citadelles, forteresses, saccagemens des Palais, la tyrannie des soldats, l'iniustice des Chefs & Capitaines, la destruction des Temples & lieux sacrez, la demolition des maisons de plaissance, les meurtres des sujets, la rançon des captifs, la defloration des Vierges, le deshonneur des femmes, les larrecins, volleries, pilleries, brigandages, picorées, detrouffemens & deualliations de marchands, & autres mille malheurs qui suiuent ordinairement la guerre & la reuolte ciuille.

Vn Royaume est comme vne Cité, de laquelle tous les sujets du Prince, de quelque rang & dignité puissent-ils estre sont citoyens: voyla pourquoy s'il est ainsi, comme disoit le grand Scipion, qu'il vaudroit mieux renuerfer par terre mille estrangers, que de faire mourir vn seul Citoyen: Iugeons de là combien sont cruelles les guerres ciuilles, qui encouragent les Princes d'ensanglanter leurs mains dans le sang de leurs concitoyens. Otho Syluius Empereur de Rome, renommé pour le plus debonnaire Prince de tous, voyant qu'un iour luy fut donné le choix, ou de quitter l'Empire en mourant, ou le conseruer & deffendre par la grande effusion de sang des citoyens Romains, ayma mieux mille fois mourir en quittant le sceptre & la couronne Imperiale, que de voir le sang des gens cruellemēt espanché. Et com-

me il fut supplié de ses amis de ne coniecturer vne si soudaine issue de la guerre, & ne desespérer de la victoire, dict qu'il ne vouloit pas que sa vie fut la source & naissance d'une guerre civile: ô Prince, où estes-vous? voyez l'intérêt d'une République préféré à la vie d'un Empereur: n'admirez-vous point le courage & la générosité d'un tel Monarque amateur de sa patrie? Vous estes Princes Chrétiens, ie vous souhaite autant de constance & de résolution à pacifier vos différents civils, qu'auoit ce Prince Payen, âgé de trente-trois ans seulement, à mourir pour la conseruation de la paix entre ses peuples & concitoyés. Que seruent nos grandeurs, à quoy tendent nos ambitions, tant de fast & de luxe ne peuvent suffire pour l'acquisition d'une gloire immortelle, tât de richesses, & despouilles, tant de trophées d'ennemis surmontez, ne peuvent pas nous exempter de la tombe. De toutes ces choses nous n'en pourrons finalement remporter qu'un tres-amer & tres-aigre repentir, de toutes les victoires du monde, de toutes les conquestes d'Alexandre vous n'en pourrez posséder finalement ny plus ny moins que luy, que cinq ou six petits pieds de terre, & n'y aura que vostre seule vertu approuuée du ciel, & admirée des hommes, qui exerce en la iuste & legitime deffense du Roy & de la patrie, poussera l'infiny de vos triumphes dans la voûte des cieux, nous voyons toutes les richesses mondaines fondre à la longue dans ce



grand Ocean de la mort. Pour l'intérêt particulier, les villes sont bandées les vnes contre les autres: c'est la peste de la société civile: c'est l'eau de départ qui desvinit les freres, voire separé le Pere d'avec les enfans. Saladin le plus excellent de tous les Princes d'Egypte, & le plus oppulent Monarque de son temps, quoy que l'estenduë de sa puissance & de son pouvoir eut outrepasé la Syrie & la Palestine, se voyant proche de la mort, recommanda par testament qu'iceluy estant mort, pour toutes pompes & ceremonies funebres, fut seulement portée deuant son cercueil sa chemise de lin au bout d'une lance, & que celuy qui la porteroit criast continuellement aux oreilles de tous ses subjects: ceste seule Tunique est ce qui reste à l'Empereur de toutes les richesses, triomphes, victoires & trophées qu'il a remportées durant sa vie, voix digne d'un tel Monarque, qui deuroit estre souvent repetée de tous nos Princes Chrestiens, qui par la trop grande abondance des biens de la terre se rendent le plus souvent necessiteux des richesses du ciel: il est tres-difficile d'amasser de grands biens par la voye ordinaire des guerres, & demeurer en les amassant grand homme de bien, la seule foy promise à Dieu, & en apres au Prince, estant inviolablement gardée, avec toutes les circonstances requises, peut faire produire la renommée d'un Grand es siecles eternels. L'exemple de la vertu des autres est un gage à la nostre: la louange de leur fidelité à la conservation d'un

Estat & repos public d'un Royaume, est vne exhortation à leur ressembler : & pource puis que les peres de nos illustres Princes ont tellement signalé leur vertu en tant d'endroits, que toutes les Prouinces de France portent encore les marques de leurs honneurs, qu'ils fassent en ceste ressemblance que toutes leurs actions marchent tousiours au compas de la raison, & que d'oresnauant ils n'ayent rien au monde de si doux que de tesmoigner au Roy & à tous ses subjects qu'ils sont les vrayz protecteurs de son Estat, & naturels ennemis des perturbateurs du repos public.

Je croy en assurance que nulle mutation ne pourra en façon quelconque arriuer en leurs resolutions dernieres à la paix, prinſes avec tât de ſoing, prudence & iugement, comme eſtans ceux qui iamais n'ont eü dans l'ame autre deſſein de faire ſeruice au Roy que ſelon les loix de l'honneur : car comme ce ſont des courages nobles & releuez, auſſi leurs deſſeins ne volent pas tousiours en l'air : ils ont eu quelque but loüable & final en leur premiere reſolution, qui eſt la reformation de l'Eſtat, au legitime contentement de leurs Majeſtez, & de tous leurs bons & naturels ſubjects : leurs lettres, parolles, & reſponſes conceuës par l'honneſté, & prononcées par la modeſtie, teſmoigneront à iamais à l'opposite de tout ce qu'on pourroit croire qu'ils ſont nays à l'honneur, n'ont point de ſouhairs plus hardans, ny plus ordinaires, que de pouuoir ſacrifier leur vie à la



premiere occurrence où il ira du seruice du Roy, de la conseruation de la paix & repos de son Estat: L'esclat de leurs belles & vertueuses actions sur les preuues de leur fidelité, & particulieres affections au bien de leur Monarchie, rejaillira de leurs consciences à la veuë, non seulement des peuples de la France, mais encore à la congnoissance des nations estrangeres, parmy lesquelles leur reputation est cogneuë, & leur courage glorieusement louë, prouué, & admiré.

F I N.

*[The page contains faint, illegible handwriting.]*

三





